



გ ა ნ ჩ ი ნ ე ბ ა
საქართველოს სახელით

27 მაისი, 2011წ.

ქ. თბილისი

თბილისის სააპელაციო სასამართლო
ადმინისტრაციულ საქმეთა პალატა

მოსამართლე – ნათია ჭუთათელაძე

აპელანტი: საქართველოს თავდაცვის სამინისტრო

მოწინააღმდეგე მხარე: ზურაბ ერაძე

დავის საგანი: ჯარიმისა და პირგასამტეხლოს დაკისრება, ზიანის ანაზღაურება

გასაჩივრებული გადაწყვეტილება: ხაშურის რაიონული სასამართლოს 2011 წლის 17 მარტის გადაწყვეტილება

ზეპირი მოსმენის გარეშე განიხილა მოწინააღმდეგე მხარის – ზურაბ ერაძისათვის საჯარო შეტყობინების შესახებ საკითხი და

გ ა მ ო ა რ კ ვ ი ა:

2011 წლის 13 აპრილს საქართველოს თავდაცვის სამინისტრომ სააპელაციო წესით გაასაჩივრა ხაშურის რაიონული სასამართლოს 2011 წლის 17 მარტის №3-9-2011 გადაწყვეტილება. თბილისის სააპელაციო სასამართლოს ადმინისტრაციულ საქმეთა პალატის 2011 წლის 5 მაისის განჩინებით სააპელაციო საჩივრი მიღებულ იქნა განსახილველად.

საქართველოს ადმინისტრაციული საპროცესო კოდექსის პირველი მუხლის მე-2 ნაწილის თანახმად, თუ ამ კოდექსით სხვა რამ არ არის დადგენილი ადმინისტრაციულ სამართალწარმოებაში გამოიყენება სამოქალაქო საპროცესო კოდექსის დებულებანი.

საქართველოს სამოქალაქო საპროცესო კოდექსის 78-ე მუხლის პირველი ნაწილის თანახმად, თუ მხარის ადგილსამყოფელი უცნობია ან მისთვის სასამართლო უწყების ჩაბარება სხვაგვარად ვერ ხერხდება, სასამართლო უფლებამოსილია გამოიტანოს განჩინება სასამართლო შეტყობინების საჯაროდ გავრცელების შესახებ. სასამართლო შეტყობინება საჯაროდ ვრცელდება შესაბამისი სასამართლოს შენობაში თვალსაჩინო ადგილზე ან ვებგვერდზე განთავსებით ან დაინტერესებული მხარის მოთხოვნის

შემთხვევაში – მისივე ხარჯებით იმ გაზეთში, რომელიც მასობრივადაა გავრცელებული მხარის საცხოვრებელი ადგილის შესაბამის ადმინისტრაციულ-ტერიტორიულ ერთეულში, ან ინფორმაციის სხვა საშუალებებში გამოქვეყნებით.

ზემოაღნიშნულიდან გამომდინარე, სააპელაციო სასამართლომ გაითვალისწინა საქართველოს სამოქალაქო საპროცესო კოდექსის 78-ე მუხლით განსაზღვრული დებულებები, მიიჩნია, რომ ვინაიდან მოწინააღმდეგე მხარისათვის სასამართლო უწყების ჩაბარება სხვაგვარად ვერ ხერხდება, მიზანშეწონილია ზურაბ ერაძეს სხდომის თარიღისა და ადგილის შესახებ - თბილისის სააპელაციო სასამართლოს ადმინისტრაციულ საქმეთა პალატა, 2011 წლის 7 ივნისი, 16:40 საათი, სხდომის დარბაზი №1, ეცნობოს საჯარო შეტყობინების გზით. ამასთან, სასამართლო შეტყობინება საჯაროდ გავრცელდეს თბილისის სააპელაციო სასამართლოს ვებგვერდზე განჩინების გამოქვეყნების გზით.

სააპელაციო სასამართლომ იხელმძღვანელა საქართველოს ადმინისტრაციული საპროცესო კოდექსის პირველი მუხლის მე-2 ნაწილით, საქართველოს სამოქალაქო საპროცესო კოდექსის 70-ე-78-ე, 285-ე მუხლებით და

დ ა ა დ გ ი ნ ა:

1. ადმინისტრაციულ საქმეზე №3ბ/559-11, აპელანტი – საქართველოს თავდაცვის სამინისტრო, მოწინააღმდეგე მხარე – ზურაბ ერაძე, დავის საგანი – თანხის დაკისრება, მოწინააღმდეგე მხარის – ზურაბ ერაძის სასამართლო სხდომაზე მოწვევა განხორციელდეს საჯარო შეტყობინების გზით. სასამართლო შეტყობინება საჯაროდ გავრცელდეს თბილისის სააპელაციო სასამართლოს ვებ-გვერდზე განჩინების გამოქვეყნების საშუალებით.
2. სხდომა დანიშნულია თბილისის სააპელაციო სასამართლოში (მდებარე: ქ. თბილისი, გრიგოლ რობაქიძის 7ა) 2011 წლის 7 ივნისს, 16:40 საათზე, სხდომის დარბაზი №1.
3. სასამართლო უწყება მხარისათვის ჩაბარებულად ითვლება სასამართლო შეტყობინების თბილისის სააპელაციო სასამართლოს ვებ-გვერდზე განჩინების გამოქვეყნებიდან მე-7 დღეს.
4. ზურაბ ერაძე გაფრთხილებულ იქნას, რომ სასამართლო (მოსამართლე) უფლებამოსილია, მხარის არასაპატიო მიზეზით გამოუცხადებლობის შემთხვევაში მის დაუსწრებლად გამოიტანოს გადაწყვეტილება საქმეში არსებული მასალების საფუძველზე და საქართველოს ადმინისტრაციული საპროცესო კოდექსის მე-4 და მე-19 მუხლების დებულებათა გათვალისწინებით.
5. განჩინებაზე კერძო საჩიგარი არ დაიშვება.

მოსამართლე

ნათია ქუთათელაძე